

崇百藥齋文集

崇百藥齋文集第三

陽湖陸繼輅祁孫

邗上題襟集

車中賦殘夢

長宵鄉夢亂却坐曉寒生澹月垂簾影殘燈放翦聲乍驚成蕩漾未憶忽分明愁絕雙輪轉禁霜又獨行

車中賦殘月

簾波闌柱總牽情馬滑霜濃又一程獨客酒醒疎柳峴  
瑣窗夢破曉鶯聲儘畱顏色歡猶晚看到團圓我已驚  
腸斷天涯回首望強扶瘦影照孤行

趙北口

征塵到此竟全消采采波光極望遙便擬水程通一葦  
江南咫尺送歸橈

暗裏春光我自知依樓楊柳最相思誰憐趙北燕南路  
和雨和煙見一枝

小遊仙

生小蓬萊作散仙因依阿母護芳年天孫離別姮娥寘  
得箇人憐便可憐

碧桃花落覺春闌小步瑤階試薄紈誤跨青鸞天上去  
日輪嫌熱月輪寒

擲罷丹砂又散花儘容兒戲遺年華無端徵織璇宮錦  
一晌含顰上玉車

瑤池曲曲繞西那羅襪無塵步碧波一渡銀河便愁絕  
裙裾牽惹亂雲多

雲衣洗桐卷子

西那之都金母居童男丱女當階趨埽花仙史年尤少  
顧影亭亭矜玉貌一種閒情遣最難吟成獨對雲牋笑  
豈知一夢遠于煙手把扶容下九天舊侶恩恩拋不得  
玉簫猶記枕函邊南華老子憐塵謫綺語知郎除未得  
責洗高梧三百株豔思應化秋雲碧秋雲擁月蕩離愁  
錦瑟華年似水流珍重人天情一縷瑤池相見一迴眸

抵家贈婦

歸來又見月如絃幾度清輝照不眠果識相思了無益

未應瘦損似前年

送趙舍人

懷玉

同知青州

朝官乞郡太紛紛消盡冰山始到君如畫岱宗看未了  
幾人遙望出山雲

行處紗籠感舊遊一泓海水望中收使君雅稱春衫色  
青絕齊煙是此州

敬觀周端孝先生血疏貼黃書後

并序

凡一百四十四字請誅倪文煥毛一鷺書成以示姚文  
毅文毅讀至鼎湖勸進語顧謂端孝此四字宜易然舌  
血可復繼邪端孝又刺指血書之疏上如所請此其未

易本

毀魏上公擊汝齒

文煥語

殺人媚人有如此熱血一喫忠

介死忠介不死猶有子與仇戴天孝子耻引刀刺舌血

不止一書再書疏始成舌血不足繼以指想見濡豪運

挽時凜凜忠魂立而視目日驚傳得俞旨未伏冥誅宜

棄市

一醫先死

君不見孔父前亡宋公繼魯史先書弑君字

賊臣專殺已無君斷獄春秋有成例憲宗壽終屬天幸

白刃幾加好頭頸使果乘喪定逆謀

文煥計崔呈秀以時未

可阻之害百信王如斷梗今皇先帝臣先臣一疏三仇報

俄頃我來展閱淚沾臆血蹟殷紅燈焰碧壽世何須託

金石形骸可腐血不蝕來禽快雪縱尙存故紙千年死

灰色

文文肅殿試卷書後

圖籍前朝半劫灰一編珍重護風雷披猖國事從何挽  
溫飽科名亦可哀謂周延儒魏藻德等季世得人酬養士清流轉  
眼盡羣才卽今誰灑長沙淚定向光天作雨來

琵琶行

并序

嘉慶丁巳薄遊杭州蔣刺史

重耀

方官錢塘令嘗招飲

聽屠氏女彈琵琶悲壯幽咽極盡其致越四年吳下盛傳四絃第一手萬十一大令邀諸名士賦詩試訪之則屠氏女也悵然感舊亦成一章繼諸君子之後廉山示我琵琶行耳邊三日時作琵琶聲豈惟琵琶如有聲恍睹低鬟斂笑玉腕揮縱橫潯陽一曲傳千古膝

上檀槽化黃土人天寂寂奈愁何從此朱絃不能語我  
昔江湖載酒行玉簫自作蒼龍鳴忽逢妙手傷淪落爲  
感新詩動別情杭州刺史宵張讌卸甲聲中淚如霰兒  
女樽前易斷腸英雄死後開生面酒酣重奏月兒高萬  
里秋空氣沈寥落葉禁風吹瑟瑟孤鴻求侶去迢迢簾  
波不動燭光直裊裊鑪香一絲碧定有星辰繫滿身輕  
塵翠袖飛如織不然玉杵碎冰輪化作明珠滿空擊牽  
雲曳雪少勾留只有此聲忘未得吳中絕伎定何如試  
訪枇杷花下居門外斑駔梁上燕相逢不覺便相呼却  
聽舊曲增悲咤珍重連城好聲價子晉吹笙未得仙胡  
姬壓酒猶遲嫁仙吏頻年玉尺量品題端合喚花王江

州司馬真堪笑祇辦青衫淚數行

自吳門赴杭州舟中寄婦

一片清光俯窺客知是姑蘇臺上月扁舟催我去江南  
薄醉何由永今夕京華春雨最無聊獨夜秋魂又黯銷  
無計可償離別苦潘郎三十鬢先彫

彭城君生日

嘉禾道中寄

一種離情更可憐強書吉語祝長年人間只有元池好  
修到雙棲便得仙

官奴生小劇嬌癡知否朝來勸一卮女伴算誇夫婿好  
十年贏得是相思

吳門十日雨瀟瀟且喜晴光破寂寥若卜金錢問行客

扁舟剛過畫眉橋

玉貌應披一品衣  
鏡中愧負出塵姿  
年來翠袖禁寒慣  
祇願浮生少別離

蕭山王徐兩節母詩爲汪大令

輝祖作

寒機無聲涕如雨  
往事傷心不堪數  
三尺孤兒一尺書  
明月應知兩心苦  
兩心一心金石堅  
讀勤母喜倦母憐  
兒或含書嬉母怒  
呼來前手中夏楚  
不忍下兒投母懷  
含淚謝一兒兩母共  
一燈坐盡人間最長  
夜孤兒學成母血枯  
先後棄兒歸其居  
朔風動林木昔聞啼  
烏鳥啼勿悲楚孝子  
壽親以千古烏乎孝  
子聽我詩此境只有  
孤兒知

別從子耀通

膠漆匪不固會作秋蓬飛男兒困貧賤骨肉長遠離去  
年別我雲溪渡霜月微茫鬱煙霧留連無益姑徐徐一  
慟棲烏起無數衰顏姑婦同倚闌合浦忽返雙明珠浮  
瓜雪藕遺長夏人世豈復知榮枯秋風一夜催刀尺不  
覺驚心看四壁一種因依膝下身十年憔悴霜中翼垂  
髫空詠白華篇二頃猶虛陽羨田不見鄰家白頭媼呼  
兒春稻婦裝棉

別包十五

世臣

夜永爵無算譚深劖有聲共愁燕市雨未洗蜀中兵草  
莽憂天下江湖此後生知君數行淚不爲別離傾

初度述懷

門左懸弧事漸訛潘郎三十奈愁何雲中雞犬成仙早  
世外溪山入夢多豔思難消花作骨清吟長對月如波  
依稀一片香光影不信華年爾許過

綵筆當筵賦玉簫梨渦旁暈不勝嬌墨翻素手香初浣  
牋印紅脂豔未銷四面鶯花圍畫舫一湖鷗鷺識蘭橈  
軍門夜半催歸騎小隊燈光過段橋

鶴易離巢雁失羣江湖愁殺杜司勳歸帆細雨潮三折  
客館清簫月二分一代仙才成小聚殘年鄉思入斜曛  
梅花未放人先去別酒恩恩只半醺

十三橋畔草如茵便算燕南二月春獨上荒臺悲馬骨

最銷奇氣是車塵暗中徧索飛花句衆裏爭看下第身  
此日倚闌添白髮泥金望罷望歸輪

將離紫燕惜分飛尉藉翻教意慘悽夫壻漫夸傾一座  
神仙可羨是雙棲黃茆屋小連雞柵白草霜乾聽馬蹄  
卻話征途憐瘦損燈前不覺翠鬟低

一笑相逢舊酒徒玉山任倒不須扶身原吳市吹簫客  
家有邪風介壽圖偶得新詩招阿買自書奇字教官奴  
此生若許閒中老未悔年時領略麤

鸞飄鳳泊總堪哀健步無由寄遠梅安得長纓馳絕塞  
空留一劍引深栖天寒裘敝歸何暮草長鶯飛別幾回  
惆悵秦關烽未息眼中閑殺出羣才

風雪關河鍊羽翰慈闌尙作掌珠看無成未覺兒年長  
多病曾流老淚乾密密親縫衣上線漪漪爲惜夢中蘭  
朝來百感渾難遣強笑堂前勸一餐

歲暮避債吳門舟次先簡唐大令

仲冕

今夕何夕心徘徊歲云暮矣胡不歸若有所期殊未來  
篷窗時覺寒風窺寒風爲我邀寒月黯黯金波半邊缺  
可憐又照一年終願抱清光入寥闊蘇臺此夜客星明  
酒淺愁深夢未成却羨胎禽棲最穩梅花四面護修翎

謂縣齋所蓄鵠事見  
會都轉邗上題襟集

小除前一日萬十一招飲醉中作

碧雲向晚消無質一十五更一年畢主人壽客計絕奇

盡列華燈續寒日酒波搖綠燈搖紅豔影都作金芙蓉  
霜風祇隔簾一重簾內百斛春光濃却憶姮娥太岑寂  
故放歌聲入空碧喚醒寒簧啟玉局乞借今宵作元夕  
花枝微慵夜未央醉中作書報魯陽君能揮戈我秉燭  
流光與君誰短長

庭院

庭院愔愔日欲斜春纖支損鬢邊雅偶聞燕語開簾押  
閒看蟲絲墮帳紗淺碧屢寒新煮茗嫣紅忘檢隔宵花  
無聊情緒何因識昨夢分明聽玉敍

酬別伍堯學士

法式善

昔夢詩龕久相逢悵別筵離歌榮上第奇字蓄三年誰

索飛花句虛成春草篇歸心波共急欲去轉畱連

哭張編修

惠言

憶昔逢君日相期第一流贈言猶滿篋別恨未經秋余以  
四月杪出都別君甫五十日衆女空明鏡歸魂少故邱浮雲西北望寥落不勝愁

置子愁無地傷心欲問天生虛期稷禹死定薄神仙絕業自千古

清時失此賢斷紅相識久腸斷柳花篇

只

賦柳絮詞句也

歸夫人蘭皋首句圖代彭城君題

湘水吟魂招不得化作崇蘭如草碧蘭心一寸抱幽素未許春風見顏色畢竟芬芳不自持空山已有露華知

美人香草原同恨珍重相逢欲放時此時蘭氣吹春暖  
蘭心却對眉痕展翻嫌詩思太冥濛只共花香飄近遠  
盡日看花盡日吟如花標格惜花心却憐隱谷開何算  
愁絕秋窗罷鼓琴

湯處士

咸紀夢圖

湯生夢遊山忽與巨鬼搏鬼輒敗人意厭罪固宜縛書  
生劔術疎兩敗墮深壑若非兜羅援幾飽老拳惡湯生  
夢醒手自捫上人道我甘露門情哉夢中不遇我定截  
鬼首持還君辱僧何物敢市恩安知此鬼非其羣湯生  
湯生慎勿面壁減遊興且復與君海上看朝暾

時同客上海

聽經生彈琴

風雷引

經生抱琴至明月正中庭急雨忽飄竹秋風吹亂螢候  
潮江上艇繫馬路旁亭觸我天涯夢蕭寥不可聽

待月詞爲李兵備

廷敬

作

新詞捷比催花鼓一曲纔終月華吐月華此夕爲公來  
却令座客分餘輝豈惟座客分餘輝坐使大地清光開  
清光如波瀉空久寒簷不寒弄珠走知公豪興殊未闌  
小佇霓裳看行酒斯時想見部中民十萬深梧齊在手  
朝來佳話爭傳語不信潛輝爲公舉君不見五日一風

十日雨

寄張太守

敦仁

平生結友半江右握手爭言張太守太守無所能訟庭

草色搖春晴太守無所好座有詞客兼經生典衣沽酒  
格常盈大譚雜坐圍長檠袖中一詩誰所呈

君從麻山處見余詩

高唱同作蒼龍聲別喚鐵笛橫秋清和我此歌吹月明

月明迢迢隔千里不覺聞言已心死西望雲山意無已

忽傳太守旌麾徙失君何悲得君喜翩然一帆渡江水

江水先知太守賢沙岸閒鷗眠未起我時正作長安遊

黃沙如山冰滿裘樂生同車復同臥

蓮裳

相對思君擁

鑪坐衡文有約懲浮夸絕豔驚才合遭唾兩生被放百

不憂飲酣鞭馬過蘆溝一生看月

留揚州

蓮裳尚在題襟館

生獨泛吳淞舟備兵使者青蓮傳

味莊先生

一醉已作三旬

畱聞君銀章兩懸肘

時兼松江

來謁長官因訪友旁人頗

訶交易深誰識相知兩心久南園水石堪登臨館君子  
此供幽尋鬢仙醇酒攜山陰毅人祭酒先寓園中急開春甕邀同

斟夜涼水氣明疎林林際漸有晨飛禽酒痕狼籍霑羅  
襟醉倒便與分秋衾蹴我牀頭更譚易我醉猶能詆王  
弼髯仙倚樹亦不眠却認朝轍是殘月朝來別緒殊恩  
恩牙旗獵獵吹天風君留二日卽有巡海之行如君題糕登九峰定

有二客來相從

兼指蓮裳

五哀詩

并序

年來遭師友之戚屢欲有所誤次以述悲悼南北奔走  
輒復無閒秋日客黃浦孤館客散一燈熒然追思往事  
忽忽淚下嗟乎上愧端木築室之誼次慚巨卿素車之

臨酒鑪如故竹林之遊難再宿草不哭玉樹之恨何窮  
聊志深痛各爲一詩目曰五哀以先後爲次

廣州通判屠君諱紳

心期鬱鬱向誰陳論定斯人我最真遊戲文章都奧衍  
猖狂意氣是酸辛憐才熱淚傾如水垂老柔鄉葬此身  
却悔臨歧殊草草危言含意未全伸

副榜貢生同歲生錢君諱瀛斯

春明苦雨正相思一別寧知隔世期入洛士衡真恨早  
傳書公雅定誰遺君無子交深兩代同蘭譜君祖文敏公與先君子同  
鄉舉愁絕重陽罷菊卮去年九月赴至寡鵠更憐吾自出君婦湯氏守志  
余姊女也難憑嬌女慰長離

宛平縣學生同門生徐君諱世枏

懊恨窮愁迫歲除  
生還死別痛何如  
君以小除日抵家  
歲數日君已長逝  
未能卽視君病改  
正驚病骨猶行路  
強繫殘魂爲倚閒寶劍我  
慚前度諾名山誰訂未成書傷心西蠡河邊路芳草無  
情緣似初

兵部左侍郎座主陳公諱萬全

獨拜牀頭淚暗傾  
喟喘語聽分明三天侍學常扶  
病兩載中樞正議兵望斷鄉音歸路遠  
典餘長物一船輕而今回憶成腸斷  
猶見繩帷照短檠

庶吉士同歲生金君諱式玉

轉爲登科恨不禁一燈雙照別愁深

君約下第後同歸

青樽顧

曲溫如玉花雨填詞韻入琴對影難銷才子氣畫眉妬盡美人心從教此去多仙侶定把扶容淚滿襟

記虎邱與汪二全德別卽寄

畫船燈火橫曲房綺窗窅窕明釵光歌長漏緩樂未央  
兩生話別蘇臺旁酒闌一慟破空碧萬竹千絲一時寂  
秋煙一珠亦蕩搖野鶴忽起盤青霄月涼酒醒帆如駛  
却聽奚奴說如此蘇臺行樂經千春中有一雙相思人  
相思已覺天涯好幾輩紅顏不能保人生但苦離別多  
那惜熱淚流成河

喜孫二

原湘

至上海

四月杪同出都門

余由水程南下

塞驢瘦影太伶俜可柰歸帆處處停下第空教傳萬口

到家剛得拜雙星白門夢比春雲遠黃浦潮連秋雨腥  
舊恨新愁譚未已比眉人亦背燈聽

是日安之佩  
瑞夫婦招飲

寄婦

離家五百里市月無音書秋燈聽雨坐百感紛愁余正  
月偕計吏衝寒卽長涂五月出都門舟行苦盤糸阻風  
復待閘氣鬱安得舒水蒸腐肝肺日炙焦肌膚始知七  
尺帆不如一渡驢如何行役苦徒聞歎馳驅

吾廬蔭古樹望樹色然喜候門一長鬚見我笑不已向  
我說平安口應足已徙登堂拜母前慈體定何似母言  
我無恙憐汝困行李腕瘦顏色蒼摩掌淚難止  
君時侍母側悲喜難具陳呼婢急辦飯割肉烹銀鱗歡

然食已飽閒話及比鄰辭母趣入室握手問苦辛大女  
依我立中女視我頻小女方學語妬姊如含瞋團圓樂  
莫樂几榻皆可親功名異顯晦行誼自有真從今誓相  
守珍此鄰下身

三日眉不顰十日髮不櫛離別常苦悲歡聚那生疾風  
吹藥爐煙情緒轉蕭瑟病似留人住饑復驅我出君言  
已向渝無爲意拂鬱恩恩一帆張含愁對圓月

自我來黃浦兩度看哉生主人敬愛客高會當秋清十  
日九日醉可柰一夕醒風鈴間蟲語碎此徑寸心正月  
卽長涂五月還出京七月抵鄉里笑語含離聲茲行諒  
非遠所恨足未停

生男固可喜生女亦足娛朝來簷鶴鳴私語聞奚奴家  
書計將達門前已懸弧徘徊姑俟之不覺日又晡一刻  
轉一念心似盤中珠由來出門苦還坐一長吁

孫二

原湘

詩來再用腥字韻輒復效尤題其近稿

四首

天驚石破雨冥冥山鬼窺窗那敢聽可惜詩人空俠骨  
十年劙斧不會腥

喚作相思合淚零珠囊解贈語丁寧分明一口心頭唾

細嚼紅霞未覺腥

謂卷中詠紅豆詞事

偶向孤墳奠綠醑虞姬哀怨比湘靈萋萋荒草燐燐火

一陣風吹戰甲腥

卷中弔項王詩尤工

誰泣殘紅紙上聽疎簾雨氣逼燈青王郎他日緣情死

卷中落花詩附  
王仲瞿元作

化作千年碧血腥

友人芙蓉士女卷子

美人一笑千黃金黃金買笑不買心妾顏如花心如石  
妾不改心須改色芙蓉花冷搖煙濤待君不來秋已深  
李兵備橫琴小影

萬籟忽已寂琴調露正零更無元鶴侍祇有白雲聽石  
翠飄滿袖竹陰流一庭仙心澄止水朗照月華青

送李兵備入覲

公從翰林初出守佛面仙髯識公久衰絲爲賦賢大夫  
謂子才丈八百孤寒盡回首慈雲可望不可攀非公拒客我

閉關年來漸識行路苦憔頓知非舊羽翰春城况是飛  
花賤抱玉歸來淚如線茂林秋雨感公憐手捲珠簾招  
倦燕說餅新成待月詞題糕近接觀潮宴虛白堂前竹  
韻清日長無事聞調笙給札唯呼寫書吏入幕徧集高  
才生就中我辱青眼最一往粗疎恃公愛謝庭絃管許  
同聽鄴架圖書教滿載狂奴故態不自禁往往高譚發  
殘醉公行述職朝 帝京我亦念母心迴縈借酒與公  
別笑語含離聲江南比年歲屢登大吏廉惠民安平他  
州豈免有鴻雁布澤待作旬宣行識公何遲別何遽送  
公望斷江干樹願公此去共春回莫被他州奪公去

滻城雜別

倦鶴窺簾客未回醉歸除是曉鐘催連宵飽飫先生饌  
問字何曾載酒來

謂穀人祭酒時寓李氏園

紅闌曲曲映波光認得蓮華趙氏莊溪鳥雙眠荷並蒂  
聯吟人坐水中央

謂李安之歸佩瑞夫婦

風流太守舊歐陽客裏相逢興更狂借得園林秋太冷  
一行紅袖出迴廊

古華太守招飲朱縵園瞿冶亭家並有水石之勝

花慳月冷儘徘徊午夜重門幾度開知我不須街卒報  
阿菱扶路醉人回

見說琴心浸太清七絃以外盡淫聲能憐狂客攢眉飲  
深感江州送別情

謂喬鴻朴司馬

一月鴻泥思不禁翻教別緒亂歸心桃花潭水汪倫意

至竟相看孰淺深

謂幕府諸君

十一月四日吳門舟次寄祝大

百十是日爲君四十生辰

憶我初識君太歲在己酉美人方滿堂趨前握手欲  
畱無可語欲去不能行徘徊復徘徊相對雙曠清歸來  
轉輾思君久望見朝暉出門走誰言兩心非一心中涂  
正值君招尋如珀拾芥磁引鍼日又一日知逾深遊魚  
戀同源未若比目親飛鳥依同林未若比翼真爾時憂  
患百無有君年三九我二九不求紫芝大如葢不願黃  
金重懸肘但願車輪生隅舟楫朽我得與君永相守豈  
知十年來聚散難見陳子行淚濕青衫痕君不見饑來  
驅君君弗動陋巷蕭條樂屢空我行負米雖有程往往

低頭雜雞鳳迢迢逝水無迴波  
髮自欲白如卿何各安所安是所是  
三十四十從蹉跎請爲君歌聽無苦我期  
壽君以千古莫似相逢年少時同功互縛春蠶絲  
春蠶絲斷還續製作鴛鴦絃不彈箜篌曲舟行非遲客心速  
醉魂飛度君山麓三十三峰月波綠遲我玉梅花下屋

題吳同年

嵩梁

秋懷詩後卽送歸東鄉

縱筆足千古新來况苦吟才華歸道氣病味永秋心客  
路憐君遠交情向別深夜闌重展卷邀月聽遺音

益松和曾都轉

咄嗟几席間蓄此虬龍姿得毋後凋質亦畏霜雪欺局  
促聊自保大厦將安支

瓶花和曾都轉

繁英易爲好慎選久不決爲君辭本根但愁勻水竭榮落  
旨有時失寧所恤

送秋和樂三

鈞

秋亦拋人去淒清坐曉寒流年真草草前路益漫漫衰草日光薄空林鶴夢寬簾波從委地幾度怯憑闌空汝催刀尺衣裳未翦裁冷吟耽小病生意託深梧風色晚逾緊雲容凍欲頽牆根見殘菊孤影自低徊庭院寂如許寥天月又新寒蟲猶咽露落葉半添薪何計遣長夜無聊喚小春早梅休破萼愁絕未歸人

顏魯公名印

興化令顏君所藏

丹篆黯生光傳觀尙激昂大名輝典冊小印壓珪璋狀貌思何晚艱危事可傷宮中歌得寶闇外寵須璜識果金刀應文憐玉琯長虎符資跋扈鳳輦去倉皇折角危秦臺長生毀漢當銅仙餘涕淚鈴語劇淒涼零落王孫玦批殘內侍璫中原亂鼙鼓幾輩綰龜章獨汝隨行篋偕公厯戰場哀詞鈴祭姪飛檄倡勤王面矢爭悲奮靴刀並慨慷義聲兄弟繼遺器子孫藏不共孤城碎真同百鍊剛由來家訓好珍重補琳琅

送樂三歸臨川

同折青門柳惄惄指鬢華如何當晚歲猶是未還家風色歎殘醉鄉心警暮鴉客行無近遠憐我亦天涯

一種孤寒淚紛紛到酒邊歲荒愁婦米春近感親年寥  
日歡情少歸塗別夢便君歸道山常州納同行未果萍踪鎮漂泊難  
得是離筵

君行吾意慰且復永今宵殘月人扶病孤心燭易焦遺  
歸仍戴笠生計託吹簫記取休高詠寒江有怒潮

謝皋羽晞髮集書後

文山傳附十九人怪哉乃獨無謝君君名不藉史臣記  
國破何心說忠義高歌擊碎竹如意自洩胸中不平氣  
江潮驚迴客星避一慟哀聲滿天地君不見鄧光薦傳  
雖闕宋濂文補况有遺編足千古朱鳥不來柰何許曠  
世猶揮淚如雨

送喻庶常

鴻

歸南城

燭上離筵淚易傾客中送別不勝情因君更憶黃江夏  
貴生  
謫宦恩恩萬里行

天涯其柰別愁何江右詩人識最多

謂蘭舟香海蘭雪蓮裳濂山貴生輯

園詔子便擬匡山結茅屋一尊邀聽楚狂歌

峭帆况是過江船欲報歸期又黯然

君道出常州有拜母之約但乞

致聲荒徑月今年畱取一回圓

示劉大

嗣綱時題襟主人有海州之行石琴厚庵蘭雪蓮裳蘭池漸磐先後旋里

斜日禁寒似月明官齋寂寞到吟聲鶴如扶病伶俜立  
詩不驚人黯沒成對榻互聞殘醉醒倚欄各自亂愁生  
誰知風雪江干路尙有劉郎共曉行

郭舍人同年  
望示王晉卿觀榜圖戲題

我別春明日喧闐正此時三年殘夢影一夕故鄉思溫飽從人羨悲歡各自持畫師真冷眼偏與析毫釐

袁節母竹柏樓詩爲令子

廷壽作

我交袁君遲拜母惜未及導我至一樓指示爲我泣樓前竹柏風淒淒燈檠在窗塵滿機母昔課兒不下梯兒今痛母局雙屏雙屏勿局願君啟聞君讀書母應喜饑來驅兒出門去誤欲登樓淚如注昔兒下樓母不娛兒今不歸誰倚閒昔兒讀倦母淚濡兒今貧賣樓中書君雖苦貧慎母患結客傾家母心慰

孤兒亦有三間屋母抱遺書課兒讀北風吹燈青一粟

女纓欲眠坐旁哭孤兒九歲畢九經孤兒三十猶無成  
君不見天寒歲莫長作客有母何曾在母側

論詩二首示劉大

丈夫重立身詩文固末技苟復探其源亦自懲忿始毀  
能令公怒譽必令公喜人操喜怒權我受毀譽使長言  
發詠歎豈緣徇名起萬古滔滔來虛氣有時止

殊方斯異音適口有獨旨文心矧百變各各成厥是陋  
儒思立名始輒恣訶詆及觀所歎賞大率與已似相需  
在聲華歲寒詎可恃每聞標榜交中道按劍起

論交一首示劉大

孤懷鬱不紓何爲閉幽寂抱此求友心未覺處世仄軒

然入塵海意氣頗雄直持論豈必當豁達無所飾所幾全吾真不忍託淵默區區定誰察杳杳固莫測小心事友生悲哉淚沾臆

劉大詩集題後

一語魂銷絕沈沈萬古愁出塵唯有夢住世只宜秋長夜寂如許高寒澹不收孤心知易感吹入月波流

定香亭筆譚題後卽寄阮撫部

夜來夢喚湖濱渡舉手先招沙上鷺波光草色碧連天迷却西冷過橋路凌晨讀公新著書一簾夢影來徐徐寒空積雪壓雲背墮地忽作千芙蓉芙蓉花開今五度狼籍紅香委風露花昔日幾少年心情半似花堪憐

張郎遠宦蔣生病苦說離居減豪興血淚驚看遊子衣  
窮愁竟短文人命死生離合劇關心一日清霜滿青鏡  
闌干曲曲記經行煙月何曾管送迎獨把一編當話舊  
可憐鴻爪太分明

管仲姬畫蘇若蘭象

題襟館所藏

長生有藥不醫如白刃如霜鏡中露迴文直是續離騷  
獨以芬芳冀君悟琅玕綺食鴛鴦衾蛾眉謠諺傷妾心  
長門一賦擅哀怨此錦何止千黃金鷗波重寫迴文字  
見說王孫方奉使自跋如此自臨秋水證前身偶貌幽姿寄  
離思閨夢曾經鼙鼓驚杭州咫尺接吳興新詞傳遍王  
清惠遺像飄殘謝道清雙樓此日情何似玩妻竟誤王

孫死人生有戀總堪悲一片柔情扶不起手卷橫圖喚  
奈何佳人未愧竇連波只憐澤畔孤臣淚輸與機中思  
婦多

夜坐懷蔡七儀部

鑾揚

一夢應生十日涼故鄉煙水見微茫冷官倦索長安米  
歸計全虛下箬桑細數酒徒成落葉幾揮別淚餞斜陽  
無端幻出相思影彷彿吹笙月沒黃

儀部詞  
中語

別鶴詞

寒林無風氣蕭索日日園亭訪孤鶴鶴習客語知客心  
間發清唳酬哀吟哀吟對鶴共頰仰鶴視高天動遐想  
客夢作鶴與鶴飛一雙瘦影相因依鶴夢先醒鶴無侶

客若不來鶴延踪苔牆七尺竹十竿客行別鶴勸鶴餐  
鶴兮慎勿羨客去煙水茫茫不知處

病鶴和金十

學蓮

小立斜陽瘦影孤離徙病翮不堪扶肯浮春浪同鷗夢  
偶趁天風讓雁奴返哺未歸愁欲雪舊巢半毀柰將離  
哀音急羽知無限一一何因問菀枯

寄胡處士

量并序

或傳眉峰棄家爲僧賓谷先生聞而悲之首爲一詩題  
襟諸子相繼有作矣初至始知告者過也蓋眉峰旣困  
甚屬喪子益不自聊有沈冥之思余識眉峰晚然熟聞  
其人自守奇士而所遭如此謂非儒冠之誤耶猶不忍

畔去眉峰不爲僧乃愈可悲矣前詩余未及作茲別寄  
一首仍請都轉及諸君同之眉峰量字也

英雄惜放廢悲憤託仙佛束髮讀儒書鏗鏗守師說鼎  
鑊且弗悔饑寒詎能奪修身必獲報此理有時屈夷跖  
天道遠往事固所悉始願絕幾幸變計肯倉卒天施我  
斯受天勞我則逸期君益自堅歧路慎勿軼

江都詩人朱老匏墓

并序

墓久廢近有人市石其處見題字知爲老匏墓碣問所  
自踪跡得之聞于官乞禁採樵如柳下壠余聞有重老  
匏詩者貽老匏千金弗能却受置所臥草具下老匏死  
所親發草得之爲營葬具嘗論獨行之士如原思諸賢

樂貧賤惡富貴以是爲學非有所不得已也觀于老匏  
益信劉子嗣綽  
金子學蓮既各爲詩弔之余亦藉以申  
余之舊說云爾

矯情非所希辭粟近立異孰知至清骨厥性有專嗜非  
惡列駟喧致此亦易易陋哉石季倫詎足語高誼我聞  
墓中人千金十年置忍饑耽苦吟往往發幽思遺詩惜  
未見佚事可風世皎皎月二分照此墓門地

望雪

凍雲壓茅檐窺雪苦無隙頗疑雪已降片片墮雲脊老  
農爲我言蝗飛蔽天黑雪花不到地遺孽又蕃息東南  
民氣靜所恃鮮菜色實乏終歲儲足供安坐食豐稔胡

可常徒知倖恩澤一朝迫饑寒苟活寧有策頻年足霜  
雨邇慮竭涓滴布濩果不敷空復荷矜惜孰知至仁愛  
早已代籌畫司雲爾何神忍阻上帝德吾欲呼雷霆一  
擊十重墻否卽祈風師吹散了無迹風雷若罔聞雲氣  
厚逾積寂寂行空庭寒芒入遙夕

奉答曾都轉海州見寄之作次來韻

小隔渾河阻寄書詩來先慰客情孤吟聲淒寂梅魂覺  
夜氣清寥鶴夢無未免歸心愁雨雪閒思往事話江湖  
謂英初相從亦憶西溪好家世煙波舊釣徒

調金十次韻

却立遲幽尋迴身月半陰欽聲鬆霧鬢蘭氣暖秋心綺

夢經時誤輕魂一晌禁還因呼小玉惆悵聽餘音

次韻答王明經

崇熙

海州見寄之作卽以志別

衝寒一雁渡洪河自翦檠燈對衍波花裏情懷君漸減

前贈君詩有蘇臺綺夢之句

天涯風雪我分多頻番別語拳拳記似

此華年寂寂迴空說消愁韓筆好送窮無地欲如何

崇百藥齋文集第三

受業楊繼泰校字

崇百藥齋文集第四

陽湖陸繼輅祁孫

漚瀆集

友人華山夜月圖

山翠撲人如亂葉一寸濃霜壓圓笠馬蹄碎踏玻璃聲  
不知已入雲中行遙天一月雲與平衫袖錯落星辰明  
峩峨豸冠西望久玉匣真圖未全朽倚醉題詩報王母  
夢跨山君月旁走

誰遣

誰遣風吹夢影來未分明處暫徘徊二分可是能圓月  
一寸重然既死灰斷飲心情知夜永易凋顏色怨春催

碧城此去寒應減看取南枝後放梅

萱草篇

奕奕萱草翠蕤金英何以報君祝君壽長奕奕萱草則  
百之休何以報君共君忘憂花何爲而蠲忿兮藥胡爲  
而療愁嗟形骸之判隔兮逾關河之阻修喜椒蘭之壹  
氣兮指桂柏而爲心苟芬芳之不衰兮羌異苦而同岑  
果松石之可化兮終託根于珠林亂曰翳虛願兮何時  
望碧雲兮來遲金鶯之蕊兮紫芝庶加餐兮慰我思

萬十一護花幡樂府

燕宛從消錦瑟絃晶簾不枕道書眠崔郎可也無聊甚  
願作鴛鴦又羨仙

蹙損紅巾入夢遲  
封姨恩重兩心知  
明年東苑春依舊  
愁殺桃枝更柳枝

擬乞司香願太賒  
此生無分餌丹砂  
惟應化作芊芊草  
綠偏天涯覩落花

吳門曲爲萬十一作

柔柔偏南陌盡日聞啼鳩  
吳門有好女日出不下樓  
自言年十五未識桂枝勾  
十一弄長笛十二彈箜篌  
十三啟朱唇一曲雙縵酬  
雙縵知不惜八口矜良謀  
強顏爲君歡背燭掩妾羞  
詎識姹女錢悲與嬰兒侔  
頻年旣溫飽稍欲託蹇修  
賤妾念恩知父母貪營求  
一朝逐鴉飛清淚無停流  
使君宰吳門家復聽此不  
生女禁學伎德

重逾山邱使君發長歎聽樂生煩憂作俑伊何人比屋  
聞清謳紅顏諒多誤慧業當自尤十女活百人禁止非  
嘉猷耕織素弗習饑寒定誰收易俗自有本望古心悠

悼花詞

芳草天涯綠未齊春眠不柰曉鴉啼何人手挾黃金彈  
却打林花一院飛

照水幽情本易傷一枝低亞傍頽牆誰憐玉砌雕闌夢  
不放春愁到夕陽

絮跡萍踪盡可憐雕陰深鎖一溪煙桃花幾日成前度  
錯遣崔郎憶去年

萬十一之官丹徒過訪荒園小飲爲別

捧檄信可喜得官翻自憐神仙成小謫辛苦惜華年吹笛梅邊月迴燈水上絃還攜漁城酒一爲勸離筵

時余歸自

海上

復之上海寄萬十一丹徒

君爲折腰吏我作負米行所求亦區區遂使離別輕方資保障力愧負文字名柰各與性違紓鬱難爲情別路信非遠便恐艱合并人事旣牽率懷抱何由傾唯期風雨夕耿耿通精誠紅顏有時衰保此雙瞼清

古意寄汪別駕

初

相逢忽如夢趨前握手似覺紅顏衰始悟離別久

春夢綠陰陰煙波聞素琴自憐清影獨誰汝作知音  
隄柳最堪憐垂垂拂比肩分明曾倚樹近在斷橋邊

贈何徵士琪

定香亭畔影橋西百徧聞吟却聘詩

謂芸臺中丞語在定香亭筆譚兒

輩寧知飲酒樂故人恰誤入朝遲老來腰脚尋花健畫  
裏鬚眉戴笠宜袞袞諸公吾盡識野雲親見出山時

家中丞

錫熊畫像爲公子慶循作

披圖不覺淚汎瀾百感縱橫入夜闌阿父譚經兒侍立  
廿年此景夢中看

檠燈分半照寒機愁絕燈昏對泣時一樣授經渾不似  
阿耶歡喜阿孃悲

自題洞庭綠曲並呈李兵備

畫諾纔完日未偏  
白雲如鏡照華筵  
春鶯小部傳呼急  
唱我黃河遠上篇

醉牽歌袖醒先忘  
却聽人傳小杜狂  
說與使君渾不覺  
玉山筵上任頽唐

百意憐才諱客痴  
一燈選夢製新詞  
少年枉自夸仙骨  
愁絰文簫證道時

親量玉尺贈明璫  
水府能容詞客狂  
欲酌一杯和淚酒  
煙波夢影太微茫

重翻舊曲觸閒愁  
向譜秣陵秋曲兵備命家伶習之  
恨我識公遲十載  
一簾秋影獨登樓

豪絲激竹動春潮樂府新傳海上謠

海謠備所作

兵我亦歌

聲出金石尊前吹裂小紅簫

送李兵備入覲

從公未一年再作送別詩敢怨公去早但恐公歸遲待  
治有緩急布德非恩私江南民氣樂久荷

皇天慈邊烽甫寧息凝望膏澤施以茲測

天視公去當量移依劉雖至誠借寇難爲辭此意我獨  
覺忍使父老知

臣心抱冰雪六月忘炎蒸以公戀  
闕意鑒我臨岐情  
亦非細人愛爲公勞此行長塗三千里厯厯皆所經身  
雖不侍公關心數郵程傳聞泰山北旱象比已成願公

所過處甘雨隨車傾區區離別感欲訴仍吞聲

九月九日阻風崑山寄李兵備

客行不控揚州鶴挂席乘潮北風作焦仙知我與公期  
更展靈旗助磅礴梁溪溪水橫羅襟浩蕩已入成連琴  
龍宮百怪走相語來日聽我登高吟羅浮有約偏難到  
快意幾人歸逆料封姨似欲躁心平拂袖迴雲顧余笑  
當窗唸草寒萋萋一林亂葉飛向西篙師縱橫臥船尾  
獨看落日浮圖低玉峰咫尺如招手偏與孤篷說重九  
知公念我亦損歡海水搖空倚闌久君不見蛾眉從古  
佳期誤痛飲狂歌亦遭如明年行策六鱉來却與陽侯  
話前度

獨客

寧知玉峰頂獨客此登高一塔如瘦筍萬松生暮濤留  
髡未成醉謂忍齋訪戴復徒勞謂傳禾欲速定不達迎風首  
重搔

萬刺史文

廷蘭

林下二鬚圖

一髯手擊竹如意八十未消湖海氣一髯把卷神情愔  
愔之若遠窺逾深空山石滑路盤屈兩翁蕭然出林樾  
使我疑仙復疑佛君不見焦仙招我不敢登公笑授我

天台藤

入月中借公及賓谷先生借庵上人魯思獻之子厚元淑遊焦山余至焦仙洞卽止

感事

浮蛟千里捲潮來秋月孤懸望海臺失水尙容伸脚臥

反風又復戴頭回。書生恨少焚曹炬。上將如銜入蔡枚。  
且喜養威全大體。不教小醜識卿材。

引鳳曲

胎禽背滑渾難控。片雲忽墮娟娟鳳未辨。蜂雄蝶雌  
桐陰如幄圍幽夢。卅六鴛鴦妬羽毛更防草綠雉媒驕。  
豈知同是南枝鳥。不用西飛怨伯勞。年年海燕憐幽獨。  
求凰未是新翻曲。王母呼龍種玉芝。月涼露重愁仙蝠。  
湘簾無計卷橫波。一種因依柰爾何。只有曝衣樓畔鵲。  
送將佳會過銀河。

新寒

強飲不成歡。淒淒坐夜闌。敝裘拋未著。聊與共新寒。

喜樂三至

迎君握手問君那得來君來休便去孤影鎮徘徊

寄扇詞爲改山人琦作

郎白紈扇手畫雙鴛鴦絹素有新故錦翼不分張妾  
心似扇驚秋早未信郎心不如鳥明鏡團團如扇小遲  
郎歸看鴛鴦稿

接目飲許經厯家醉中作

愛客誰如許丁卯客至先愁客歸早未知曉日隔重幃  
却訝清霜警棲鳥黃郎一飲醉一旬醉夢飄落黃山雲  
黃山芳草連天碧望眼不見江南春東風昨夜吹教醒  
月照寒香如有影櫻桃芍藥矜豔陽玉蘂瑤華自孤迥

西池桃片鋪成茵我亦低頭拜月尊一珠入網羣龍泣  
七尺珊瑚摧作薪牽雲曳雪愁無奈門外班雖久相待  
扶上雕鞍騎不行消盡酒魂遺酒蛻哀絲激竹遺華年  
名士傾城盡可憐我是天涯狂阮籍祇應酣臥酒鑪邊

送李五

雜頌

百憂積歲暮浩然思故鄉如何遠遊子復此看歸航君  
來如還家日侍嚴親旁猶恐膝下身繁我慈母腸往來  
問起居不憚行路長來時觸煩暑今歸涉冰霜感君兩  
地心使我悲年光饑寒定省疎淚下沾衣裳

二十察孝廉三十爲郎官翩翩佳公子文采被羽翰請  
假出都門共作畫錦看寧知臣朔餓煮字那可餐府君

富賓從八百羅孤寒持此四品俸分作終歲歡有子不  
暇恤索米愁長安我窺君胸中亦有廩萬間何以娛親  
心益集鵠與鸞單車返鄉里避債聊閉關

君有異母弟已能辨之無兄來未識面徑向懷中趨相  
攜侍親側容色何婉愉知兄耽述作研墨兼調朱我如  
君弟年阿母教讀書分此一粟燈織布裁單襦諸兄各  
遠宦百里尊城居此樂殊未經旁觀自嗟吁

百毀流俗輕一譽大賢定使君知我深疎狂率天性有  
客慮謠詠弱語感持贈獨賞衆所忌高名實難稱再拜  
謹謝客吾心自無競矯飾縱橫虛

先聖有遺訓詩以道性情如何今作者霸術師縱橫虛

氣寧久長蜃樓尚風傾君詩最樸至持重無奇兵乃其  
壁壘堅兀兀如長城與君隔舍居午夜聞吟聲嗜好苟  
不專絕業何由成願言各努力豈在時世名遙遙一鐙  
共千里通精誠

贈徐文學

楷

風雪天涯淚不止乞食者誰廉吏子十年珠向掌中擎  
今日飄零乃如此欲行賈無金錢欲耕作無良田男兒  
讀書真大誤黃塵如煙去無路低頭一日字五千羊裘  
一襲書半年書成珍重落誰手猶見孤兒淚痕否

贈章文學

建麟

與君異鄉里聚首忽經年同以饑驅至因之別恨牽翦

燈邀夜飲快雪喚朝眠他日相思意蒼茫共遠天

落花辭故枝二首爲儲二桂榮作

落花辭故枝點點在君砌妾命不如花委骨定何地

贈黃上舍

承增時將入貢爲郎

駿馬不可以守戶寶劍不可以削葵天教墮地作男子  
安用屑屑雕蟲爲黃郎才氣出儕輩落魄無聊日酣醉  
豪絲激竹夜未央忽復停觴墮悽淚天河之水下洗兵  
全秦先定蜀繼平難民還鄉泣空屋戰士脫甲思春耕  
饑蠶一箔鴻萬翼長官悲喜應交并如何撫輯致得所  
此際正復需經生故人半有薦賢責行見老驥天衢行

信陵末路豈足法君乎善養中年情我生才疎不副志  
上書愧負賢能字放歸且得避炎蒸散髻斜簪足游戲  
花好先扶阿母看竹深長共佳人倚他年何處寄閒身  
一舸煙波本家世頃來海上橫素琴主人愛客兼知音  
當筵邀謨龍姑曲買笑輕揮廉吏金此時逢君與君好  
別君不覺披深襟七十二鬟籠曉霧水暗荷深若無路  
相思勿遣尺書來軍吏高呼驚宿鶯

程孝廉晉去皖城別後有作

畱君不住送君行急雪迴風亂別情詩思暗隨腰帶減  
冰驢猶似月波明薰香繡被寒無夢上水扁舟夜有聲  
莫向天涯論近遠一般隔斷是愁城

以鐵師畫筆贈人代題二十字

呵凍寫冰綃春魂爾許嬌誰家白團扇秋盡不會拋

謝袁學博

秀甲

惠布幔

同此客中意時時慰獨吟論交美被暖勸學董帷深鑪  
燼香猶在窗疎雪不侵殷勤感持贈一寸歲寒心

輓康孝廉

愷

海上識二士子與華也賢

褚君文洲

子尤負奇氣誇謗驚四

筵如何遽摧折此才天弗憐倉猝治棺衾猶是賣畫錢  
金石有時毀絹素或久全天公本無心各恃精氣傳子  
之于丹青用力逾精專度子身後名當在文沈間修短  
匪壹致正命諒所安豈無百年人寂寞歸黃泉

鐵舟上人畫松歌

鐵舟上人真大雄爲我放膽畫古松紙橫五尺縱二丈  
一榦直立于其中我聞畫松如畫龍鱗角隱現窺無踪  
豈知正坐膽怯耳獨以全力圖全龍虛堂獵獵吹朔風  
著我忽在徂徠峰蒼藤盤屈類鐵鎖誤汝飛去青天空  
上人手扶七尺筇入山一步雲一重松乎遺汝作梁棟  
慮汝斲小難爲功丞相祠前賦老柏中郎爨下驚焦桐  
一日摩挲三歎惜我能知畫兼知松

李氏園消寒第三集送洪編修丈旋里

太歲在戊午借公客錢塘絲竹悵零落宿草東山荒少  
游亦臥病昨已辭淮陽謂謝文蘇潭侍郎秦小峴廉使何期我與公復

此歡對牀六年踪跡真奇絕腸斷生人成死別萬里孤

臣感

賜環鬢邊攜得天山雪餘年有酒百不憂訪舊

獨泛吳淞舟信陵青眼識公早

味莊先生

不數張耳能封侯

海風翩然下仙鵠到眼依稀認城郭竹葉重浮北海杯

梅花正放

謂文洲  
七  
諸君

南枝萼客星似月清光開郊島籍湜紛紛來

滿

七  
尺  
軀

樽前顧曲周郎如乃知賢者固難測氣節家

許迂儒迂我識荊州在公後期我亦如公不朽方慚同

里  
作  
替

人公自忘年呼小友回飈急雪催公行客中送

歸傷別情煩公爲我報老母我歸及奉屠蘇酒

不思議齋消寒第四集題泛海圖

并序

味莊先生自乍浦出洋至大羊山勘定江浙分界歸作此圖

旌旗獵獵吹天風樓船飄忽如行空先生宴坐意調暢較泛平湖覺遼曠浪花倏湧銀浮屠魚龍出水驚前呼豈惟勘地定分界兼以耀武威旌苻我昔觀潮海寧郭鷺毛一片從空落千雷萬霆相擊撞瞬息已入錢塘江卽今讀畫空追憶坐失壯遊吁可惜公約借行未果君不見從來忠信涉波濤置身邱壑安能豪

食膾八粥簡袁大

秀甲

負米歸來一室歡筍香蔬白稱清寒故園風味勞回想暮歲心情易減餐擬託長鑣無二頃不堪短鉗到三彈

商量何地容身好誓願分君苜蓿盤

敘別

舊曲停么鳳新聲倚采芝華年圓月近佳約碧雲知灼  
灼明珠箔纖纖失玉卮歌慵交翠黛醉淺暈紅脂翦燭  
迴眸乍傳柑却手遲調絃通細語劃飴篆相思隔座吹  
香遠寒更帶病支幾曾工姹女從此看西施鸚武呼名  
字蠶眼錄豔詞憑肩羞鏡朗入抱比雲癡底酒人偏覺  
藏花客亦疑訛言傳彷彿密意露矜持一任歲蕤鎖都  
忘蛺蝶雌易拋臨別淚虛擬定情詩繡被愁孤舫甘蕉  
抱故枝畫圖頻看取莫更減腰肢

李兵備席上聽俞生琵琶

大絃如鐵么絃銅一揮星辰飛滿空頗疑君有郭公術  
百萬甲兵袖中出平生耻作一書生聽此軒昂欲投筆  
曲終四座歎絕奇爭前勸君盡一卮歡然引滿更不辭  
瀟灑亦似崔宗之明月窺簾燭光冷却視檀槽不敢請  
君言夜氣最宜絲觸手泠泠飛有影冰絃一條月一痕  
此時座客傷羈魂金鍼未收玉腕惰窅窓房櫳見孤坐  
何時細語訴相思畱取圓輪照愁破英雄兒女皆可憐  
坐惜寂寞消華年願君琵琶化爲石與君天涯同作客

有別

天寒白色薄迫此鄉思深將歸轉傍徨念我同棲禽老  
親望子歸落日愁疎林少婦望夫歸圓月悲孤砧烹蔬

勸晚食翦韭同宵斟已憐聚首暫莫慰終歲心如何匝  
月歡亦復資黃金人生知幾何離別恐不任揮手不復  
顧熱淚沾衣襟

柳花詞

知傍瓊樓傍野橋華年如雪不禁銷分  
明畫出春情緒勾引羈魂與蕩搖

春遊準擬又蹉跎曉日房櫳喚柰何雅鬢未攏茶正沸  
坐殘幽夢背簾波

三十張郎減俊遊倡條冶葉漫句畱是誰種汝成連理  
禁雨禁風到白頭

贈鄭侍御

徵

先帝焚裘日詞臣拜疏年攀

龍餘老淚鳴鳳望時賢近作諸侯客知無二頃田朝衣  
休貰酒曾帶

御鑪煙

小別

小別驚殘月訛言誤落花依然珠在掌珍重玉無瑕憶  
繫長生縷初聽却手琶眼波澄月幌酥汗膩冰紗護醉  
投懷笑羞唶奪扇遮翠禽憐小小紅豆放芽芽鏡訝麌  
峰窄書緘雁字斜恨無軒載鶴愁看鬢堆鴉款款辭梁  
燕恩恩赴壑蛇模糊成曉夢寂寞惜年華正喜檀欒近  
偏逢謠誣加門局金屈戌魂斷玉丫父貰酒拚長慟量

珠悔浪誇何期看玉立重與慰天涯握手渾如夢書符  
爲辟邪叮噠山下鬼歲月自今賒

祝編修

荅

還讀草堂圖

九十九峰青當窗削玉屏鄉親蘇小近潮信伍胥靈竹  
徑猶能憶

謂安瀾園

花溪惜未經感君圖畫好引夢過西泠

仙婕謠

錢通守丈

維喬

李兵備

廷敬

祝編修

荅

林

上舍

鑑孫

孝廉

原湘

劉孝廉

爾準

莊上舍

曾儀

屠主

孝廉

位

樂孝廉

鈞孫

孝廉

爾準

莊上舍

曾儀

屠主

簿

湘改

山人

琦

徐明經

穀

劉秀才

璣

周秀才

濟

女

士席道

華歸

佩珊

方外

鍊舟

韻香

同作

仙蝶仙蝶好顏色荔子分紅梅染碧翩然一片羅浮雲

江南鶯燕羞青春春光苦短看不足平遠山房夜燃燭  
當筵誰曳畫裙來却扇神光明子玉曼聲一轉花亂飄  
春魂如絲隨蕩搖金鑪無煙玉樽冷羅袖動香吹酒醒  
不知可是蝶前身三匝纖腰助嬌影君不見清溪靈蝠  
餐紅蘭化爲玉女垂雙鬟又不見崑崙元鶴學童子丹  
砂在頂邀人間清宵艷絕師雄夢萼綠曾邀聽三弄忍  
俊山靈更不禁春駒偶解青絲鞋千疊雲山十大塵伶  
俜空與護芳辰故山自有雙棲侶莫向江南作雁賓

懷李戶部

隸頌

殘年風雪黯銷魂送子歸局通德門長物僅餘官應宿  
分財可有客酬恩新編商訂斜川集小宴私開北海樽

一樣紙窗燈火影近來鄉夢徧江村

懷伍堯庶子

詩龕風月最清妍大隱都忘住日邊幾度進階仍五品  
有人刻楮又三年衡文永叔來何暮得句韓郎黯自憐  
安得尚方頒玉尺霓裳同日聽羣仙

和人題表忠觀

一曲還鄉被酒成英雄到此不勝情攀條說與臨安樹  
我是鍾家旁舍生

開門節度柰君何強弩還應射汴河天祐金符梁玉帶  
一般恩重費摩挲

寄題襟館主人

夜夢鶴林寺曉得蓮裳書知公官事暇起居甚康娛潤  
州山色青無數爲是年時別公處却恨江風吹夢還望  
斷瓜洲隔江樹

鍾進士射獵圖

富貴神仙兩無分黃金那屑閻羅印橫行鬼部作鬼雄  
手擲毛錐佩霜刃夜來大獵張鬼軍鬼馬蹴踏不動塵  
搏虎聊償使君虧縛豕識是彭生魂擊鮮一飽徧鬼羣  
絕勝乞食孟蘭盆青燐兩行夾歸騎前驅徑喚鄆都門  
吁嗟乎朝露晞俟骨朽李廣得封亦何有如君此樂真  
足豪只恐泉臺乏醇酒劉柳州方桐廬愁魂怨魄歸來  
乎鍾君貽汝金僕姑死不快意生何辜

苦雨寄舒孝廉位

上弦月雨如絲君不來來有期下弦月雨未歇君不來  
月已缺申江潮暮復朝吳娘歌雨瀟瀟歌未終停蘭橈  
遲君至江之皋九峰雲不可招滬城雨時復飄吁嗟客  
愁兮誰當與銷

喜舒孝廉至並報謝仙蝶圖題辭

鍊雲寄我仙蝶篇曉夢飄落羅浮烟羅浮離合渺風雨  
天遣仙駒迓仙侶相逢執手意惘然似憶何年識眉宇  
南華老仙笑不休謂味莊先生道我此別三千秋人間有酒  
頗堪戀且復痛飲銷離愁櫻桃芳藥花開徧中有崔徽  
卷中面未惜揮殘十樣牋可憐同是孤飛燕一片朝雲

著雨低虛空何處捉希夷不如手裂滕王本重作麻姑  
白練飛

詠烏他

纖手團香雪爲郎勸晚食妾持比性情郎持比顏色

鄭太守

濟嘉

以金川軍營舊作索題

從軍頗笑杜陵叟嗚咽磨刀刃傷手亦不能學王侍中

歌頌神武諛相公

本朝開疆置疆吏方略全承

大皇帝羌笛潛回絕塞春鐵衣不墮征夫涕金川昔者  
勞天兵太守實侍阿文成一十三番笑絕纓馬上安得  
屏書生書生佩劒如龍鳴遇賊便殺賊始驚從容解甲

挑長檠穹廬夜夜聞吟聲功成受賞擢官去却理從戎  
舊詩句老兵故吏半零落幕客才多不能注去年

王師定關中逃亡漸集勤春農但期親民得循吏未願  
諸將夸邊功我本雲間隸公部家世能文復能武詩成  
暫擬從公還乞公飲我橫雲山醉來徑擁白雲臥不煩  
夢奪松亭關

鍊公招飲南園醉後戲作

摩登一咒禪心動雨隙開筵倒春甕我正升天苜酒星  
札闔洪麻符曉夢迦陵嬌鳥梳霜翎墮地化作雙娉婷  
歌聲吹入碧雲去無奈寒簧喚不醒君不見官齋一月  
聽愁雨雨氣逼燈青一忝班駢未惜錦障泥揮鞭欲出

迷東西

味莊先生和子賀新涼詞有泥滑班  
驛馳不得屬潛隨少女風吹到之句

今宵痛飲

佛應許

天亦投壺呼玉女

雨稍止尙見電光

簡姜五

鈴

珍重狂花藉錦茵此花冷澹不宜春仲翔骨相分明在  
知已何嘗得一人

平遠山房分體賦女兒酒

女兒箱壓女兒艤

紹興嫁女輒有一舟卽烏篷畫舫是也亦名女兒船

一夜春情

透玉缸枝上不驚梅子七花前長願酒杯雙模糊綺夢  
羞難憶跋扈狂奴醉受降知否有人空谷裏十年無術  
變寒江

苦雨歎書家書後

上絃下絃雨聲續敝廬已塌東廂屋東廂屋破茅可束  
我行畱米僅兩斛兩斛米客勿憂篋中尙有羔羊裘明  
朝逢庚雨應住喚婢街頭賣裘去

汪丈

端光

同知思恩公子

全德

書來述先君子德

政數事云得之百色老民者愴然有作並寄汪公

子

書來一度一傷神况復傳將逸事真此日正深知已感

先君子官順昌知縣時桂林陳文恭公方督閩浙特保  
堪勝知府引見記名旋以憂去官後官廣西文恭已

薨出山已忘宰官身何期父老猶揮淚未敢孤兒怨負  
薪剩有白頭遺僕在客中相對各沾巾

立秋日寄婦

天上星期近盤中錦字稀晚風涼入袖晴日曝無衣綺  
語年來少疎櫺覺後非相應最圓月雙照影依依

輓褚明經

華

招我牀頭理斷編爲言病骨樂長眠秋人一命飄黃葉

立秋前一夕 錦瑟三條斷綺絃

年四十有七

垂死尙揮知已淚

君卒

莊先生僅仰蒙格外四字此生悔住有情天櫻桃花底  
千杯酒薄醉怱怱四十年

少年結客未全虛門外先聞走素車

君友林君爲營殯具較比虞

翻多弔客可能卓女護遺書

君未有子

牽蘿生少雙棲樂

君婦

失愛于姑君終身獨處負米家無十日儲腸斷白頭扶杖哭稱觴

空望小春餘

今年十月爲尊慈八十壽

秋夜偶作

住是愁中去病中歸原草草別忽忽可憐半晌低鬟笑  
抵得蟠桃一度紅

一夕秋風百病生藥鑪松雨灑聲聲輸他客裏閒情好  
聽到空階絡緯鳴

美初示格  
韓吟近作

情懷妻絕早涼天珍重殘荷著雨鮮暗祝西風休送暑  
秋衣我尙未裝棉

多感鄰姬問嫁衣青青梅子已愆期蛾眉欲畫羞明鏡  
深淺何因更入時

伯鴻書來問  
會試行期

古意

郎恐傷儂心背儂挂帆去日暮千帆張郎船在何處

郎船去不遠帆隨妾心轉歎咽投郎懷冬來夜逾短  
仙禽戀稻梁卑棲不如鶩仰視碧天空畏郎無曾處  
亭亭青蓮花折花刺傷手不感郎愛蓮感郎不求藕  
自憐別郎易頗如見郎早感郎念故人信郎與儂好  
牆根一叢花可憐好顏色千騎驕春風郎來不能匿  
春歸郎亦歸郎言妾否否不願見郎早但願依郎久  
惜花畏花放愛月愁月圓儘留顏色在婉婉待郎歡

吳博士照種菜圖

夜雨聲初歇朝雲爛易成捲簾春淺淺采綠步盈盈藉  
遺英雄氣難消兒女情披圖觸鄉思何計得躬耕

明月篇寄婦

青天一明月蕩此空中珠秋霜警春夢那惜蟬鬢濡比  
屋千娉婷盈盈步階除豔影易爲好攬輝不盈裾願月  
化作星萬古無盈虛雙屏掩風雨愁臥如空廬始知造  
化力不給衆所需貶妾善織素良人耽著書粲粲三尺  
檠分光常有餘含情謝明月無煩照幽居

過儀徵省視從孫女因贈其壻黃別駕杰各一首

我識卯君久

令弟

相逢恨較遲一帆江上影萬里月中

絲豪氣洪崖近

謂君師雅存丈

閒情芍藥知樽前慚小戶薄醉

竟難支

十年廉吏息修竹倚清寒此地故鄉近賢名後母難壻  
狂宜善體姑病好承歡迎汝春潮長休教感歲闌

錢大中魏秋水卷子

年來涉江湖屢放吳淞船一泓瀉杯中夢影何涓涓未  
厭觀水志已覺行路難羨君樂泉石高臥聽淙潺東南  
苦河患橫決愁狂瀾近復阻沙磧轉漕艱空還豈無救  
時略永逸殊未然願君置此樂努力濟巨川平池雖不  
廣所貴通其源一滴地數尺浩蕩胸懷宣勿爲孤舟繫  
送彼千帆懸

湖舟飲次戲呈胡祭酒

長齡

纔向平山艤客舟一樽先醉白蘋秋座中誰是黃崇嘏  
翻倩仙郎許狀頭

有悼

廣座曾揮錢鳳幘靈牀來鼓彥先琴不知尙到人間否  
認取寒檠照苦吟

崇百藥齋文集第四

受業盛朝傑校字